

中國華東文獻叢書·第二輯

華東稀見叢書文獻

第二十卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：丁鳳麟 方寶川 史梅 李西寧

徐曉軍 黃顯功 傅德華

本卷目錄

東萊趙氏楹書叢刊	三	〔民國〕趙琪輯	〇〇三
逸史三傳			〇〇五
萊史			〇五五
石室談詩			一二一
後漢書札記			一八七
建譜誌餘			二二三
歷代綸音			二五九
先世酬唱集			二八七
先世學行記			三七七

【民國】趙琪輯

東萊趙氏楹書叢刊

三

《東萊趙氏楹書叢刊》，〔民國〕趙琪輯，民國二十四年（一九三五年）東萊趙氏永厚堂排印本。


趙琪，字瑞泉，山東掖縣（今萊州市）人。曾任膠澳商埠局總辦、日僞青島市長等職。該書是明清至民國山東萊州趙氏世代著述，其中有《萊史》等重要地方史志。一函十二冊，共十二種，二十二卷。長二十六點九釐米，寬十五點一釐米；版框長十九點一釐米，寬十二點七釐米。四周單邊，白口，單魚尾。每半頁十二行，行三十二字。

逸史三傳

逸史三傳

吳及孫題





逸史三傳自序

韓柳以來諸名家集其傳記之文多矣未有以列傳名者此其名列傳何居效司馬氏書以補國史異於文集之私傳也史傳與私傳有以異乎曰有私傳之作大抵皆少質多文有褒無貶其比事屬辭又往往含蓄遷就而不敢據事直陳若夫國史則不然無溢美無遁情其記事欲詳以核其辭寧樵魯不文期以信萬世而已矣予觀擴廓帖木兒在至正之年亦可謂鐵中錚錚作元史者不爲立傳太倉王氏所爲傳缺略不詳又褒美太過其實予故採元史參之以昭代諸書爲列傳一三娘子其人不足齒然自其少壯至於老死四十餘年西北邊情凡三大變若王涂之駕馭於封疆高馮之深謀於廊廟安危倚伏亦籌邊者所當知也予故採款貢紀略及近日奴插情形爲列傳二登萊罹孔賊之變慘不忍言東土士民第切齒於西撫之縱敵與東撫之養癰豈知夫蠢茲遼衆跋扈飛揚皆島帥文龍之遺孽哉壬申之歲自春徂秋予以墨衰登陣者半載艱苦備嘗故悉其本末於是據耳目之覩聞者直書其事

東萊趙氏樞書叢刊

爲列傳三

逸史三傳

明東萊趙士喆伯溶父著

擴廓帖木兒列傳

擴廓帖木兒者故元大將察罕帖木兒之甥也世爲潁州沈丘人姓王氏小名保保保少孤與其弟依舅氏察罕察罕無子以爲嗣改名擴廓帖木兒弟名脫因帖木兒我太祖與羣臣語每謂之爲王保保蓋從其本姓也初元至正辛卯夏劉福通倡亂潁州察罕與羅山民李思齊結鄉里豪傑前擊羣盜累敗之詔加察罕汝寧府達魯花赤以李思齊知府事察罕自爲一軍數萬人轉戰至關中勢大振已而福通以韓林兒稱宋帝遣其將李武崔德破藍田進攻商州察罕以兵來援大敗之進陝西行省右丞丁酉敗宋兵於冀寧路又大敗之於壺關冬白不信大力敖李喜入興元遂入鳳翔察罕擊破之復二郡戊戌而復涇州平涼別部賽因赤復晉寧路復遣關保擊宋兵於高平大敗之斬獲萬餘進行省平章得便宜行事己亥夏五月大發諸

道兵擊劉福通圍汴梁八月克之劉福通以宋主走庚子詔平章孛羅帖木兒守冀
寧路孛羅遣兵趨冀寧守者不納遂圍城察罕救之敗其兵自是與孛羅惡相攻擊
辛丑春詔和解之冬還鎮夏遣擴廓帖木兒貢糧二十萬石於大都元太子面與定
約乃不復疑是時擴廓方少年官副詹事性英異察罕愛之遣之入貢蓋以覘朝廷
之意旨云擴廓既還察罕喜遂大發兵擊山東羣盜東下井陘出邯鄲過磁相懷衛
渡白馬水陸俱進秋七月平東昌進平寇州察罕所擁胡漢鐵騎凡數十萬勢如破
竹遂遣擴廓會閻思孝虎林赤關保等兵由河東造浮橋濟賊二萬人來奪擊却之
圍東平田豐出戰大敗乃請降遣爲前導降棣州俞寶東昌王士誠并其兵以攻益
都壬寅夏四月白氣起危宿掃太微垣占失良將益都被圍久且下而豐士誠者陰
通賊誘察罕至營勞軍刺殺之叛入城事聞贈潁川王諡獻武以擴廓爲中書平章
政事知河南山東行樞密院事代將兵擴廓既已將則大痛憤享士日夜督攻城爲
地道克之獲豐士誠剖其心祭察罕墓縛送渠魁陳孫頭等二百餘人於闕下誅之

進克莒州夷其黨山東地復歸於元初察罕之圍汴也軍鋒甚盛威震東南時我太祖高皇帝以吳國公居江左聞其名使使聘之察罕亦以書來聘帝以前所遣使不還不之答察罕既死擴廓代乃遣尹煥章送前使者自海道還且獻其名馬我太祖遣都事汪河送煥章歸因以書報擴廓曰元失其政中原鼎沸方岳之臣互相疑沮喪師者無刑得志者方命悠悠歲月卒致土崩唯令先王奮起中原英勇智謀過於羣雄聞而未識是以遣人直抵大梁實欲縱觀未敢納交也不意令先王捐館足下意氣相期遣送使者涉海而來深有推結之意加之厚貺何慰如之文綺若干用酬雅意自今以往信使繼蹤商賈不絕無有彼此是所願也擴廓竟留河弗遣我太祖以書訊之不報又見其搆毀蕭牆以爲非策屢書溫慰且譬曉之擴廓得書皆弗省而與孛羅張良弼李思齊等水火日深竟用是敗孛羅者以爭地相仇良弼受察罕節制而陰附孛羅以故察罕深恨之思齊與察罕同起其爵齒察罕行也見擴廓驟出己上心不平癸卯夏擴廓遣關保等擊良弼思齊與良弼連兵關保等攻之弗克